



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.39. Concilium Suessionense.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII.  
A. C. 744.

§. XXXIX.

*Concilium Sueffionense.*

tom. 6. Conc. p. 1552. to. I. capit. p. 155. Pipino Principe sua quoque ex parte Sueffione Concilium Episcoporum sibi subditorum convocante, Episcopi viginti tres tertio die Martii anno septingentesimo quadragesimo quarto, Regis Childerici secundo convenerunt; & nemo est, qui dubitet, quin huic Concilio S. Bonifacius præfuerit. Presbyteri etiam aliique Clerici, & Pipinus Princeps cum Procerum præcipuis aderant. Decem Canones conditi sunt. In primo Fides Concilii Niceni confirmatur, & statuitur, Disciplinam, sub prioribus Principibus collapsam, esse restituendam. Ceteri Canones eadem statuta continent, ac Concilia in Provinciis Carolomanni

*bolæ? Responsum: Ec forsacho Diobolæ. Id est: Widersagest du dem Teufel? Ich widersage dem Teufel. Deinde: Gelobistu in Got almethigan fadaer? Resp. Ec gelobo in Got almethigan fadaer. Id est: Glaubest du in Gott den allmächtigen Vater? Ich glaube in Gott den Vater. Gelobistu in Crist Gotes Suno? Ec gelobo in Crist Gotes Suno. Gelobistu in halogan Gast? Ec gelobo in halogan Gast. Glaubest du in Christum Gotes Sohn? Glaubest du in den heiligen Geist?*

manni ediderant. Singulis annis Synodus convocetur. Monachi profectio-  
 nē militarem non suscipiant. Clerici non venentur, Sæcularium vestem non gerant, cum fæminis non habitent. Episcopi aut Presbyteri ignoti non recipiantur. Episcopi Superstitiones paganorum fieri non tolerant. Laici ab illicitis conjugiiis, fornicationibus, perjuriis abstineant. Ecclesiam defendant. Præterea in hoc Concilio Sueffionensi Adalbertus hæreticus damnatus. Cruces, quas in diversis locis ad seducendos populos plantaverat, comburi jussæ.

Idem Concilium in omnibus Civitatibus Episcopos legitimos, supra eos vero Archiepiscopos duos Abelem in Ecclesia Rhemenſi & Ardobertum in Ecclesia Senonensi constituit ordinavitque. In his duabus provinciis multæ Ecclesiæ vacasse, aut ab usurpatoribus possessæ creduntur; hinc afferendum erat remedium. Ecclesia Rhemenſis jam annis plus triginta quinque pene oppressa gemebat, expulso S. Rigoberto, & Milone Archiepiscopo Trevirensi intruso, quem in hoc Concilio depositum fuisse verisimile est. Ardobertus successit S. Ebboni Archiepiscopo Senonensi, sive is jam fuerit mortuus, sive Episcopatum abdicaverit, deinceps in solitudine vitam acturus, tam obitus ejus demum anno septingente-

Sæcul. VIII.  
 A. C. 744.

Bonif. ep.  
 135.  
 c. 2. c. 7.

v. Coint. an.  
 745. n. 10. 11.  
 &c.  
 Sup. l. XLI.  
 §. 29.

Vit. Aft. SS.  
 Ben. to. 3. p.  
 652. Coint.  
 an. 750. n. 1.  
 2. Sup. §. 13.

Sæcul. VIII. gentesimo quinquagesimo adnotatur. In  
 A. C. 744. ultimo hujus Concilii Canone statuitur,  
 ut quicumque ejus Decreta violaverit ab  
 ipso Principe cum Episcopis & Comitibus  
 judicetur, & ad multam juxta legem  
 condemnetur. Ita nempe, quia in his  
 Conventibus Episcopi & Optimates jun-  
 cti erant, etiam pœnæ temporales cum  
 Spiritualibus connectebantur.

S. Bonifacius datis ad Zachariam Pa-  
 pam litteris de omnibus, quæ in hoc  
 Concilio acta fuerant, certiore fecit.  
 Pipini & Carolomanni Zelum laudabat,  
 & quam bene meriti de Ecclesia essent,  
 auxilio sibi in prædicatione Evangelii  
 præstito, referebat. Petebat quoque a

*Coint. an.*  
*734. n. 25.* Papa Pallium, duobus Archiepiscopis  
 Abeli & Ardoberto, nuper in Concilio  
 ordinatis, conferendum, item Grimoni,  
 qui jam annis decem Sedem Archiepis-  
 copalem Rothomagensis tenebat. S.  
 Bonifacius etiam de duobus falsis Pro-  
 phetis, in Francia deprehensis, ad Pa-  
 pam retulit, nempe de Adalberto, qui  
 in hoc Concilio Sueffionensi nominatur,  
 & Clemente, hi ambo damnati & car-  
 cere inclusi fuerant.

*Fuld. to. 3.*  
*Act. SS.*  
*Ben. p. 569.* Abel Archiepiscopatu Rhemensis non  
 diu potitus est, vel potius possessionem  
 adire non potuit, impeditus a potentia  
 Milonis, qui annis quadraginta, quod  
 usurpaverat, obtinuit, & demum anno  
 septin-

septingentesimo quinquagesimo tertio e  
vita cessit. Hinc forte est, quod S. Bo-  
nifacius Pallium nec pro Abele nec pro  
Ardoberto Senonensi ulterius postulavit,  
forte etiam ne injuriam faceret S. Archi-  
episcopo Ebboni adhucdum inter vivos  
agenti. Quidquid de eo sit, tandem a  
Zacharia pro solo Grimone Archiepisco-  
po Rhotomagensi, viro ipsi Papæ notissi-  
mo, Pallium petiit.

Id Papa multum miratus, data epistola  
quinto Novembris ejusdem anni septin-  
gentesimi quadragesimi quarti, Indictio-  
ne decima tertia ineunte, Bonifacio man-  
davit, ut sibi hujus rei rationem explica-  
ret & causam. In eadem epistola Sum-  
mus Pontifex respondet ad duas quere-  
las, quibus onerabatur. *Simonice accu-  
samur, inquit, & quod ab illis, quibus  
Pallium concedimus, pecunias extorquea-  
mus. Hoc Deus nolit! nemo pro tribus  
Palliis, quæ petisti, quidquam accepit.  
Litteras quoque, in quibus tua confirma-  
tio & mandata nostra continentur, a No-  
tariis nostris scriptas, gratis dedimus.  
Anathema illi, quicumque Donum Spiritus  
S. vendere ausus fuerit.*

*In aliis litteris ad nos detulisti, te in  
Bojoavia invenisse falsum Episcopum, qui  
se a nobis ordinatum diceret. Prudenter  
nullam fidem huic homini adhibuisti, men-  
titus est enim. Jamque tibi Auctoritate*  
Hist. Eccles. Tom. X. K S. Pe-

Sæcul. VIII.  
A. C. 744.

Zach. ep. 5.

Zachariæ  
Papæ Epi-  
stolæ.

Sæcul. VIII.  
A. C. 744.

*S. Petri præcipimus, ne quemquam Sacris operari patiaris, qui Canones non observat. Quia etiam ex nobis quaesivisti, an tibi in Provincia Bojovariæ prædicandi jus sit, quod tibi Antecessor noster concesserat, respondemus, quod nullatenus restringamus potestatem tibi datam, sed ampliemus, ita ut quoad vivas omnes illos, quos contra fidem vel Canones errare cognoveris, non in Bojovaria modo, sed in universis Galliis nostra Auctoritate corripias.*

## §. XL.

*Papa Exarcho præbet auxilium.*

*Anast.*

Istarum Epistolarum subscriptio (\*) monstrat, Papam tunc quoque se Imperatori Constantinopolitano subditum professum fuisse; Quippe etiam Zacharias sub initium Pontificatus sui misit pro more Epistolam suam Synodicam, Fidei suæ Confessionem continentem, cum Epistola ad Constantinum Imperatorem data; at ipsius Legati Constantinopolim pervenientes Artabastum in Palatio dominantem invenerunt.

Interim Pontifex in Italia pro Bono Imperii vigilabat. Nam in æstate undeci-

(\*) Nempe: Imperante Domino piissimo Augusto Constantino, a Deo coronato magno Imperatore, anno 83c.